



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

2 g Bibiana Junckfraw vnd marterin.

**urn:nbn:de:hbz:466:1-41449**

Item die ankunfft der heyligen Reliquien von der  
Statt Constantinopel in die heylig Letiensich Kirchen/  
seind noch vorhanden Brieff vnd Sigel von dem Pa-  
triarchen Theodoro / vnd Kaiser Hainrich darüber ge-  
ben zu wahrer zeugnuß der Wahrheit.

Anno Dñi  
1208.

Item in Auernenser Landschafft / des H. Amabi-  
lis Rigomagensischen Priesters vnd Beichtigers / von  
welchem Gregorius Turonensis schreibt.

g iiij. Nonas Decembris.

## Der II. Tag im Christmonat.

**H**ier ist der Geburtstag der heyligen zweyen Brü-  
der vnd Marterer Peri vnd Securi / welche inn  
der Wandalischen verfolgung inn Aphyca mit  
der Marter gekrönt seind worden.

Anno Dñi  
410.

Item zu Rom das leyden der H. Marterin Bi-  
biane / von Christlichen Eltern geboren / deren Vatter  
Flavianus oder Faustinus genant / ward vom abtrin-  
nigen Kaiser Iuliano / ins ellend verschickt / dieweiler  
viler Marterer Leiber begraben hett. Verschied daselbst  
im feid: Vnd als ihr Christliche Mütter Darsofa / durch  
welche der Landpfleger Faustus zu Christo beköhret  
ward / zur zeit der grossen verfolgung / sampt einer an-  
dern Tochter verborgen lag / seind sie beide also in Chri-  
sto entschlaffen. Bibiana aber ist auß befehl des obge-  
melten Gottlosen Kayfers mit Bleykuglen so sehr ge-  
schlagen worden / daß ihr das Blut zum Mund außlieff /  
vnd sie nach dieyen tagen ihren Geist **G O T T** auffgab.  
Ward darnach zu ihrer Mütter vnd Schwester begrab-  
ben.

St. iii

Item

Anno Dñi  
430.

Item zu Rauenna des heyligen Bischoffs vnd  
Beichtigers Petri/welcher vom H. Pappi Sixto dem  
dritten/zum Rauennischen Bischoff wider seinen willen  
geordnet/Chrysologus/das ist / ein guldener Redner ge-  
nannt ward / nemblich / von wegen seiner sùrtreflichen  
künst vnd wolredenhelt. Diser hat schöne Predig gethan  
vnd geschriben/ auch Wunderzeichen gewürckt.zog  
endlich gen Imola/da er geboren / vnd als er bey des H.  
Marterers Casiani Grab bettet / gab er seinen Geist  
auff/nach zehen Jaren seines Bischofflichen Ampts.

Item zu Rom des heyligen Marterers Pontian.

Item die Weyhung der heyligen Junckfrawen

Gertrudis.

Item selige gedächtnuß Johannis Ruysbroeck/  
ersten Priors Regularium Viridis vallis/ der in Lehr vnd  
Kunst des Geistlichen lebens sùrtreflich war / wie seine  
Bücher anzeigen.

Item selige gedächtnuß Francisci Xauerij/der er-  
sten einer/ so auß der Societet IESV in Indiam gezo-  
gen/welcher vil tausent Haiden zum Catholische Glau-  
ben beköhret/grosse gefahr vberstanden/inn allerley Tu-  
genten sùrtreflich/lebet in grosser armüt vnd demütig-  
keit/machet gesund allerley krancken/erweckt auch zwen  
Todten/hett ein Prophetischen Geist/beköhret vil Sün-  
der/schliess seelen vber zwo oder drey stund / het ein stain  
für ein Hauptküssen. Ward endlich an einem Fieber  
kranck / bey dem Port Contonium / vnd starb an ei-  
nem Berg in der Insel Santianum/mit anruffung des  
Namens IESV vnd MARIE. Sein Leib rhüet je-  
sund zu Goa ganz vnuerwesen / zum anzeigen seiner  
Junckfrawschafft vnd vnschuld/ leuchtet mit Wunder-  
zaichen.

Anno Dñi  
1552.